

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-14-4-4905-4/19
Datum: 06.11.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1. i 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUDAČA I DODJELI OKVIRNOG SPORAZUMA

1. Prihvata se preporuka Komisije za sukcesivne javne nabavke i Okvirni sporazum za javnu nabavku pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Hifa Petrol d.o.o. Sarajevo, i to za:

✓ LOT 1 – nabavka pogonskog goriva za motorna vozila na lokaciji općine Vogošća, za ponuđenu cijenu od 37.029,80 KM bez PDV-a

2. Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

3. Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Hifa Petrol d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

4. Izabrani ponuđač dužan je da u roku od 5 (pet) dana od dana prijema ove Odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

5. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-14-4-4905/19 od 16.09.2019. godine i Obavještenja o nabavci broj: 16475-1-1-87-3-87/19 od 23.09.2019. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-4905/19 od 21.10.2019.godine, za aktivno učešće u postupku dostavljene su ponude ponuđača: Hifa Petrol d.o.o. Sarajevo i Petrol BH oil Company d.o.o. Sarajevo.

Navedeni ponuđači podnijeli su ponude za:

- LOT 1 – nabavka pogonskog goriva za motorna vozila na lokaciji općine Vogošća.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-14-4-4905-2/19 od 05.11.2019. godine, kojim je utvrdila sljedeće:

- da ponuda ponuđača Petrol BH oil Company d.o.o. Sarajevo nije prihvatljiva. U ponudi navedenog ponuđača numeracija od broja 80-89 se ponavlja dva puta, tako da se gubi kontinuitet numerisanja, a što je u suprotnosti sa uslovima iz tenderske dokumentacije. U svrhu dokazivanja tehničke i profesionalne sposobnosti (član 49. Zakona), ponuđač Petrol BH oil Company d.o.o. Sarajevo dostavio je dvije potvrde čije ovjere su starije od 3 mjeseca. Takođe, referenc liste (spisak izvršenih ugovora) za 2018., 2017. i 2016. godinu, a koje su dostavljene u predmetnoj ponudi, u dijelu koji se odnosi na JP Nacionalni park Una d.o.o. Bihać nisu u skladu sa potvrdom koju je ponuđač dostavio kao dokaz o ispunjavanju uslova iz tačke 13.3. tenderske dokumentacije. Vrijednosti koje su navedene u potvrdi, nisu jednake onima koje su navedene u referenc listama. Naprijed navedenim nisu ispoštovani uslovi traženi tenderskom dokumentacijom, a u skladu sa članom 49. Zakona o javnim nabavkama. Dalje, Izjava o ispunjenosti uslova iz člana 45. stav (1) tačka od a) do d) Zakona o javnim nabavkama (Aneks IV) koja je priložena u ponudi nije adekvatno ovjerena od nadležnog organa. Ponuđač Petrol BH oil Company d.o.o. Sarajevo u svojoj ponudi u Nacrtu Okvirnog sporazuma (Aneks X) u članu 2. stav 3. nije ispravno upisao ukupnu vrijednost Okvirnog sporazuma bez PDV-a, a u skladu sa Obrascem za ponudu (Aneks II) i Obrascem za cijenu ponude (Aneks III).


Ponuda ponuđača Hifa Petrol d.o.o. Sarajevo sadrži sve elemente tražene tenderskom dokumentacijom, odnosno ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve ugovornog organa.

U postupku donošenja ove Odluke posebno su cijenjene činjenice da je pravilno i potpuno utvrđeno činjenično stanje i ocjena prispijelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16), te Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 10 (deset) dana od dana prijema ove Odluke, a u skladu sa članom 99. i 101. stav 1. tačka d) Zakona o javnim nabavkama BiH („Službeni glasnik BiH“ broj:39/14).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x2
- ③ Odjelenju za odnose s javnošću, radi objave na web stranici ovog organa
4. a/a